

類編朱氏集驗醫方

二

靈樞經

三

類編朱氏集驗醫方卷之二

湘麓

朱

佐

君輔

集

傷寒

附

諸瘧

自汗

消渴

便濁

便數

雙解散解四時傷寒疫癘風溫濕溫不問陰陽二證表裏未辨發熱惡寒頭疼項強腰背拘急肢節疼重嘔吐喘嗽鼻塞聲重目睛眩疼煩躁引飲往來寒熱已經汗下病勢愈甚用藥錯誤壞證惡候及不伏水土山嵐瘴癘婦人血虛發熱凡室女小兒老人並宜服之

人參

白朮

茯苓

升麻

各壹兩

乾葛

白芍藥

甘草

各壹兩半

陳皮

貳兩 不去白

香附子

炒去毛 叁兩

紫蘇葉

貳兩半

右咬咀每服三錢水一盞生薑五片棗二枚煎七分通
口服如要出汗加葱白三寸淡豉十四粒連投二三服
略以被覆汗出立効不拘時如春夏加藁朮白芷冬薑兩
○此藥乃四君子湯升麻湯香蘇散合而爲一四君子
湯主氣升麻湯解肌發散退熱解表香蘇散助二藥之
表裏此藥性稍涼有熱者宜服之居南方瘴地或冬多
愆陽當併服取効若體性有寒及壞證已虛者恐亦難
用大抵有虛寒人只服人參多亦能助寒有實熱人只
服白朮多亦能增熱此藥內有乾葛升麻香附子之類
性寒爲多自當審之

防風散治頭痛壯熱惡風百節酸疼肩背拘急面赤虛煩
聲重咳嗽

厚朴薑製

陳皮

甘草炙

藁本各貳兩

獨活

防風

桔梗炒各參錢

蒼朮剉去皮肆兩

右細末每服三錢水一大盞薑三片棗二枚煎七分溫服沸湯點亦可春夏宜用之

羌活散治四時傷寒頭疼鼻塞或流清涕項背拘急惡風自汗

柴胡肆兩

白芷

川芎

藁本各壹兩

桔梗

甘草

獨活

羌活各半兩

右咬咀每服三錢水一盞半葱薑煎七分熱服

（冲和散）治寒溫不節將理失宜乍暖脫衣盛熱飲冷坐卧當風居處暴露風雨行路衝冒霜冷凌晨早行呼吸冷氣久晴暴暖忽變陰寒久雨積寒致生陰濕如此之候皆爲

邪癘侵傷肌膚入于腠理使人身體沉重肢節酸疼項背拘急頭目不清鼻塞聲重伸欠汨出氣壅上盛咽渴不利胃膈凝滯飲食不進凡此之證若不便行解利伏留經絡傳變不已

蒼朮

陸兩

荊芥穗

參兩

甘草

壹兩貳錢半

右麁末每服三錢水一盞半煎八分熟服不拘時候併滓再煎終覺傷寒及覺勞倦亦須服之不問虛實皆可服之

姜侍郎方

〔白芷散〕

治傷寒鼻塞出清涕

出百一方

香白芷

壹兩

荊芥

壹錢

右爲末臘茶清調下薄荷壹錢尤佳

〔神木散〕

治四時瘟疫頭痛項強發熱增寒鼻塞聲重

蒼朮

伍兩

藁本

去土

羌活

甘草

香白芷

細辛

去葉

川芎

各壹兩

右爲末每服三錢水一盞薑三片葱白三寸煎七分溫服不拘時傷風鼻塞用葱茶調下

〔羌活散〕治男女感冒不問陰陽皆可服

柴胡

貳兩

粉草

半兩

羌活

川芎

白芷

各壹兩

右爲末葱湯酒任下

〔神應散〕治四時瘟疫傷寒

茯苓

甘草

黃芩

地骨皮

右各等分白水煎服不過數服而愈宣和間王煥疫疾神以王有陰德以此方授之

〔蒼朮散〕截四時傷寒疫疾

蒼朮

半斤炒

麻黃

壹兩半去節

杏仁

貳兩去尖炒

甘草

貳兩炒

右爲細末每服二錢沸湯調服無時候

○諸瘧

〔知母散〕治一切瘧疾不問先熱後寒先寒後熱熱多寒少寒多熱少久年不瘧者止一服取效贛州羅監稅傳方大有功效

知母真者

貝母

常山

檳榔

右等分爲咬咀酒水各一盞煎至一盞用綿蓋定露一宿五更乘冷望東服直到巳時食乾物若喫水便吐煎時不得過婦人手

〔川烏散〕治虛瘧

大川烏

草果子

乾薑

良薑各等分

右劉棗七枚薑七片煎服

用之常服有驗

(檳榔散)治瘡疾不問寒熱無不愈者

湘中吳德藻傳方

檳榔

草果子

烏梅

各壹箇

常山

柴胡

乾葛

厚朴製

甘草

右先剉草果子烏梅之外其餘五味只以(檳榔)爲則作一服(常山)多些小有熱多(乾葛)加些小(生薑)一大塊擘破用大湯盞則酒一盞半於未發之前一日煎取一盞半臨卧取一盞服之留滓半盞又添起水酒共一盞半浸滓到天明再煎取一盞服之只可作一服便愈好後却忌口三兩日方佳如熱多則加水寒多則加酒直要慢火煎生則吐人

(青蒿散)治瘧疾

甘草

秦艽

柴胡

草果子

青皮

常山

檳榔

青蒿子各等分

挑柳枝各七寸

右以常山秦艽柴胡草果子青皮甘草爲末每服用水一盞半入挑柳枝青蒿子加烏梅一邊煎八分放冷一服半夜一服只是預先一夜一服

增料正氣散治瘧疾經驗湘中胡伯村傳方

金不換正氣散每服加檳榔三箇草果子壹箇烏梅一箇常山少許薑棗半酒半水兩盞同煎一盞去滓五更放冷服

蒜餅圓治瘧疾經驗周亨叔方

用蒜元酒餅子如梧桐子大每服一元五更熱酒下或

十元亦可愚度大槩積瘡有驗

〔三虎圓〕治瘡疾

北常山

草果子

甘草

右各等分用白酒餅一箇小者兩箇同爲細末生蜜爲元彈子大隔先一日鹽湯下一元臨發又二元發旺又一元立効

〔瘡丹〕治瘡疾

蠟茶

硫黃

各等分

右寒多則加硫黃少許熱多則加臘茶少許臨發時用冷水調下甚者兩服即愈用之屢驗

〔四勝飲〕治瘡疾初患瘡疾未上十次者不可便截皆因暑邪入於脾經生冷傷於中脘或先寒後熱或先熱後寒或或獨作或連日併發或日一發寒則肢體顫掉熱則滿身

如燒頭疼惡心煩渴引飲口苦咽乾背脊酸疼其陰陽未分胃膈停痰腸鳴腹痛裏急後重欲作痢疾若有此疾此藥表解陰陽並皆治之即日安愈

生料五苓散

不換金正氣散

小柴胡湯

草果散

右此藥共和令勻不問男女孩童大小皆可加減煎服如大人但作四服水一盞半生薑五片肥棗一枚煎至一盞空心熱服合滓再煎兩次不拘時候但忌生冷一切毒物及忌一月飢飽風寒免至再發乃蜀中道人傳授功效如神此方係撫州蕭世榮刊施

〔常山飲〕治瘧余嘗服之取効

常山

檳榔

烏梅

甘草

北柴胡

草果子各等分

右咬咀爲末薑棗煎隔旦煎下露一宿遇發日早晨溫服（仙授散）加麻黃

蜀漆湯治一切瘧疾

蜀漆

即常山苗子若用葉尤佳

桂心

甘草

茯苓

各壹兩

黃耆伍兩

生地黄

壹斤

知母

芍藥

各貳兩

右咬咀每服三錢水煎不拘時服此方出活人書治婦人產後寒熱其狀似瘧湘中名醫黃槐卿用之治瘧屢有功效

檳榔散治瘧疾

大檳榔

參箇

常山

壹錢

烏梅

壹箇

鰾甲

壹錢

右剉散雞鳴時一盞酒一盞水煎至半盞候十分冷服
飯食茶湯亦要冷喫

蒼耳圓治久瘡不瘥

蒼耳草子根莖皆可用

右剉碎焙乾爲末酒煮麪糊爲元無時服

大蒜平胃散治一切瘡

平胃散一貼大蒜一箇搗爛用一大椀井水調蒜澄清
以一半調平胃散飲盡又以餘蒜水再飲用厚被蓋卧
汗出即愈友人鄧瀛叟因赴監試感此遇道人授此方
服之遂安

二薑圓治虛瘡

白薑炮

良薑壁土炒

右等分細末用猪膽汁爲圓如梧桐子大每服三四十圓遇發前空心酒吞下如此二服而愈

五苓飲子治瘧疾發作謔言妄語如惑鬼神或時大叫用

澤瀉一兩 赤茯苓猪苓 白朮各半兩 官桂二錢半 右爲末熟水調下繞服小便清狂意有效

草果飲療實瘧

常山

柴胡 各壹兩 甘草

檳榔 各半兩

白薑

米錢

烏梅

隨意加減

右咬咀每服四錢半水半酒生薑一塊烏梅一箇煎未發前服再發再服不過三服愈

三生飲治虛怯之人發瘧未可以常山等藥攻之者三生飲順元散合和多加生薑煎服蓋無痰不成瘧此極有效

冷附湯治虛瘧

附子

壹隻炮

右切片子分作二服生薑十大片水兩大盞煎一盞隔
夜煎下用綿蒙蓋露一宿至五更初取冷服凡患瘧疾
無過是痰實痞塞不通脾氣弱虛熱在上停于胃膈不
得入于臟腑所以五更冷服乃使藥下達壯脾胃去痰
實降虛熱心氣屢試屢驗

不再散治久瘧

黃丹 壹兩
百草霜 叁兩

右為末新汲水五更望南服用水不多

露星散戴防禦治瘧真方天下無二

陳皮 陸兩
蒼朮 肆兩 米泔水內入生
薑汁浸壹宿曬乾 甘草 叁兩

厚朴 以陳壁土生薑二片酒一盞和水
五盞厚朴肆兩煮令乾為度曬乾 草果 叁兩

檳榔 生用
木香
半夏 湯泡
縮砂仁 各貳兩

青皮

貳兩去穢剉碎以巴豆三四粒去皮膜線穿定於青皮內炒巴豆黑去巴

右咬咀每服五錢水二盞薑五片烏梅棗子各二枚入酒一呷同煎三五沸和滓露一宿至天明取入再同滓煎至七分去滓空心通口服滓再煎下於未發前再煎服如熱多寒少加前胡去半夏如寒多熱少加官桂川薑去青皮如嘔吐加丁香附子去半夏木香

草果七棗湯治瘧瘴

草果

常山

貝母

雞心檳榔

大棗

甘草

烏梅

右七味等分青蒿倍之每服四錢用水一盞半煎至七分通口服滓再煎其效如神

祕傳瘧丹